

**ՓԱՍՏԱԲԱՆՆԵՐԻ ՊԱԼԱՏԻ ՆԱԽԱԳԱՀԸ ՀՅՈՒՐԸՆԿԱԼԵԼ Է ՖՐԱՆՍԻԱՅԻ ՄՈՆՊԵԼԻԵՅԻ
ՓԱՍՏԱԲԱՆՆԵՐԻ ՄԻՈՒԹՅԱՆ ՊԱՏՎԻՐԱԿՈՒԹՅԱՆԸ**

12.04.2023 18:03



Փաստաբանների պալատի նախագահ Սիմոն Բաբայանը հուրընկալել է Մոնպելիեյի փաստաբանների միության Մարդու իրավունքների ինստիտուտի պատվիրակությանը, որը գլխավորում էր ինստիտուտի նախագահ Ամին Ֆարաժը:

ՀՀ փաստաբանների պալատի նախագահ Սիմոն Բաբայանը շնորհակալություն է հայտնել հյուրերին՝ Հայաստան կատարած հերթական այցի շրջանակներում ՀՀ փաստաբանների պալատ այցելելու համար:

ՀՀ փաստաբանների պալատի նախագահը բարձր է գնահատել Մոնպելիեյի փաստաբանների միության հետ ունեցած սերտ համագործակցությունը:

Իր խոսքում Սիմոն Բաբայանը հիշատակել է հայ-ֆրանսիական բարեկամական հարաբերությունները և ընդգծել, որ դրանք վառ արտացոլված են նաև երկու երկրների փաստաբանական ինստիտուտների գործընկերային հարաբերությունների միջև:

Փաստաբանների պալատի նախագահը ֆրանսիացի գործընկերներին իր երախտագիտությունն է հայտնել նաև հայ ժողովրդի համար կարևոր հարցերում մշտապես աջակցություն ցուցաբերելու համար:

Հյուրընկալված պատվիրակությունը գլխավորող Ամին Ֆարաժն էլ շնորհակալություն է հայտնել ՀՀ փաստաբանների պալատի նախագահին՝ իրենց որպես բարեկամներ ընդունելու և հյուրընկալության համար:

Ամին Ֆարաժն իր խոսքում ընդգծել է, որ Հայաստանի փաստաբանների պալատ այցելելը և հայ գործընկերներին հանդիպելն իրենց կարևոր և առաջնային նախապայմաններից մեկն է եղել՝ Հայաստան կատարած այցի շրջանակներում:

Երկու երկրների գործընկերները ամփոփել են միմյանց միջև առկա համագործակցությունները, քննարկել առանցքային հարցեր:

Մոնպելիեյի փաստաբանների միության պատվիրակությունն այցելել է նաև ՀՀ փաստաբանական ակադեմիա և Հանրային պաշտպանի գրասենյակ:





Վերադառնալ \$(window).load(function(){ if(typeof \$(".fb_comments_count").html() != "undefined" && parseInt(\$(".fb_comments_count").html()) != 0){ updateCommentsCount(window.location.href); } })